



UNIVERSITÄTS-
BIBLIOTHEK
PADERBORN

**Cogitationes, Sive Considerationes Christianae Pro
singulis Anni diebus**

Complectens Julium, Augustum, Septembrem

Nepveu, François

Monachii, 1709

Dies 14. De modo cognoscendi vocationem divinam ad certum statum.

[urn:nbn:de:hbz:466:1-60520](https://nbn-resolving.de/urn:nbn:de:hbz:466:1-60520)

Sicut non habuit præmij meritum, ut *september* vocaretur, sic inchoat meritum supplicij, cùm vocatus venire neglexit. *Aug.*

DIES XIV.

De Modo Cognoscendi di-
vinam ad statum certum
vocationem.

I.

Nihil est Majoris momenti, quām statum aliquem amplecti, ad quem à Deo vocamur; nihil magis necessarium juxta, ac difficile, quām id cognoscere. Amor nostri ipsorum, cupiditates, affectus immoderatus, quo in voluptates, & honores ferimur, reverentia, & obsequendi studium, quo amicos nostros prosequimur, amor, interior grati animi sensus, & obedientia, quam consanguineis nostris debemus, præjudicia mundi, decentiæ conditioni, & natalibus nostris affixæ, libertatis amor, natura denique ipsa, & ratio; sed natura corrupta, ratio perversa, conspirare videntur ad obducendum oculis nostris velum, ut percipere non posse nobis videamus omnia hæc lumina, quibus Deus nos illustrat, ad monstrandam nobis suam de-

R 4

cer-

September certo vitæ statu eligendo voluntatem. Sed qua ratione, Domine, hoc velum penetra-
bis; cùm illi ipsi, qui per id excæcantur,
cæcitatem suam ament, & lumen horreant,
veriti, ne id eis voluntatem tuam aperiat,
quam ipsi sequi recusant?

II. Ad cognoscendam Dei super statu
nostro voluntatem, necessarium est, ut
nos ipsos, Deum, & illos, qui nobis loco Dei
sunt, consulamus. Consulere imprimis
nos ipsos debemus, & proprium nostrum
animum, sed non animum istum corru-
ptum, & imbecillum; sed animum qui ra-
tioni obsecundet, animum imbecillati-
bus, & incompositis suis affectibus liberum,
animum sincero Dei voluntatem cogno-
scendi, eámque sequendi desiderio flagran-
tem, animū attentū, & docilem ad vocem
Dei, qui nobis hac super re semper loqui-
tur, si eum audire velimus. Nam Deus præ-
cipue est ille, quem ad cognoscendam ejus
voluntatem, consulere nos oportet: quis
enim melius illam nobis aperire, quam ipse
potest, si velit? Et cur non vellet? si enio-
nos obligat ad sibi obsequendum, semeli-
psum erit in obligat ad voluntatem nobis
suam aperte riendam, qui enim ad sequendas
Dei voluntatem adstringi possem, si lumen
eam intelligendi mihi negaret? id sanè mi-
hi

hi impetrari obstrictus est : sed vult simul , September.
 ut illud à se petam ; dicamus igitur , sed
 frequenter cum Divo Paulo. Mi Deus ,
 quid me vis facere ? Cum Samuele : loquere *Act. 9. 6.*
Domine , quia audit servus tuus. Vel deni-
 que cum Davide : *Notam fac mihi viam, in* *1. Reg 3. 9.*
qua ambulem. Si ipsius lumina ferventer *Psal. 142. 8.*
 non minùs , quām constanter expetamus ,
 credimusne , ipsum nobis ea negaturum ,
 cūm tamen ea quotidie largiatur peccato-
 ribus , qui ijsdem resistunt ? is toties nobis
 etiam tunc locutus est , cūm eum audire
 nollemus : & nunc taceret , ubi sincero vo-
 luntatis ejus cognoscendæ desiderio ipsius
 voci nos attentos præstamus ? si id faceret ,
 an non verbis , & providentiæ suæ deforet ?

III. Deus aliquoties tam clarè hac su-
 per re loquitur , ut non possimus eum non
 intelligere , támque fortiter , ut ferè non
 possimus eum non sequi. Sic locutus est
 Matthæo , & Paulo. Sed hic ordinarius
 divinæ Providentiæ Stylus non est. Si
 Deus voluntatem suam tam apertè , & per-
 spicuè nobis non indicat , vult , ut eos , qui
 nobis ipsius sunt loco , nempe conscientiæ
 nostræ directores accedamus. Sic Divum
 Paulum misit ad Ananiam , qui mentem ei
 divinam enucleatiūs explicaret. Vult , ut
 rationem nostram consulamus , nobisque

R. 5 ob-

September. ob oculos ponamus finem , ob quem in mundum venimus ; ac tum , ubi ejus momentum ritè comprehendimus ; mox ad hunc finem efficaciter tendere statuimus , viāmque tutissimam , & brevissimam eō pertingendi eligamus . Ratio nobis monstrabit , hanc viam esse statum , in quo plurima media ad hunc finem pertingendi simus inventuri ; & minora , paucioraque obstacula , quae nos à dicto fine avertant . Zelus insuper , quo in salutem nostram fieri nos oportet , ad eum arripiendum nos impellit . Si verò ratio nimis debilem se deprehendat , & ne decipiamur , timeat , mortem consulat ; quae salutaria suggesteret consilia . Conetur homo eos animi sensus concipere , quos tunc habiturus est , eamque partem eligat , quam in ultimo hoc momento elegisse se vellet : sic malam electionem instituere non poterit .

*Vtere hac ultima regula , non modò in statuī electione , sed & in omnibus alijs delibera-
tionibus , & dic tibi metipsū quid in articulo mor-
tis fecisse me velle ?*

Relinquunt iter rectum , & ambulant per vias tenebrofas . *Prov. 2. v. 13.*

Licet in limine Pater jaceat , per calceum perge patrem , siccis oculis ad vexillum Crucis evola . *Hieron. Epist.*

DIES



DIES XV.

De Causis & Remedijis Teporis.

I.

Mederi alicui malo non possumus, si ejus naturam non cognoscamus; neque naturam ejus cognoscimus, si ejusdem originem ignoremus. Itaque efficaciter mederi nequimus malo tam periculoso, quam tepor est, si ejus origo perspecta nobis non sit. Istius mali origines sunt plures. 1. Teporis origo est defectus fidei æternis veritatibus adhibendæ. Harum veritatum argumenta tanta, tantique sunt momenti, ut fieri non possit, quin ijs magnopere, moveamur, si illa probè penetremus, & de ijs convincamur. Languor vitæ nostræ è languore fidei nostræ oritur, & languor fidei nostræ ex orationum nostrorum languore vel omissione. Remedium igitur adversus hoc malum, & medium certissimum ad fidem nostram animandam est frequenter, & seriò meditari præclaras veritates, quas fides nostra proponit. Eas si hunc in modum meditati fuerimus, facile eas perscrutabimur, & perscrutando

pe-